




سلطان بایزید خان ولی حضر تارینک

ترجیع بند ملوکانه لری

کورم لی اول صنمك قاشلرینی یای کوزم
 قیلدی جور اوقلرینه سینه سپر وای کوزم
 دیه دمی سکا بن باقمه آکا های کوزم
 کوزم ، ای وای کوزم ، وای کوزم ، ای وای کوزم
 تیر غمزمك صنما کوزلریمه اوله لی دوش
 کوزلرم یاشی اقوب بحر اولوبن ایلدی جوش
 سیل اشکم دوکلوب کوزلرمی ایلدی بوش
 کوزم ، ای وای کوزم ، وای کوزم ، ای وای کوزم
 توتیا اولیه لی کوزلریمه کرد رهك
 کورمدی ایکی کوزم پرتوینی مهر ومهك
 ای کوزم بونجه بلا ، درد ایله نیدی کنهك
 کوزم ، ای وای کوزم ، وای کوزم ، ای وای کوزم
 یاشلرم سن کیدم لی سیل اولوب ای جان دوکلور
 در ویاقوت چقیر لعل ایله مرجان دوکلور
 غمزه لر زخمی ایله کوزلریمه قان دوکلور
 کوزم ، ای وای کوزم ، وای کوزم ، ای وای کوزم
 دائما جور قیلور بن قولنه شاه نیدم
 شب هجرنده طلوع ایلز اول ماه نیدم
 کوزلرم کورمن ایسه کون یوزینی آم نیدم
 کوزم ، ای وای کوزم ، وای کوزم ، ای وای کوزم
 الم ایرمن نیدم بن حسرت ایله یاره دریغ
 دل دوشوب زلفی خیمه یورر آواره دریغ

کوزلرم دردینه اولمز بیلورم چاره دریغ
 کوزم ، ای وای کوزم ، وای کوزم ، ای وای کوزم
 بربری زاده ومهرو صنم تازه جوان
 ایدلی کون یوزنی پردء زلفند، نهان
 (عدلی) نک کوزلرینه اولدی قبرا کو درجهان
 کوزم ، ای وای کوزم ، وای کوزم ، ای وای کوزم



قانونی سلطان سلیمان خان حضرت تهرینک
 ترجیع بند پادشاهان لری
 کورسه بلبل کبی مردم کل رعای کوکل
 اولور آشفته صفت هم دخی رسوای کوکل
 نه لر ایتدی بکا بوبی سروبی پای کوکل
 کوکل ، ای وای کوکل ، وای کوکل ، ای وای کوکل
 بن دیمزدم که کوکل زلف سمنسایه دوشه
 مرچن کورسه پری رویی همان پایه دوشه
 بو کوکل یوق یرم مردم قورو سودایه دوشه
 کوکل ، ای وای کوکل ، وای کوکل ، ای وای کوکل
 زح زیباسی ویرر عالمه نور آی کبی
 ایگلرم شام وسحر درد ایله بن نای کبی ..
 قاشی یاسیدر ایدن قامتی یای کبی
 کوکل ، ای وای کوکل ، وای کوکل ، ای وای کوکل
 سر زلفینه طولاشمه دیر ایدم سکا کوکل
 دخی بدتر اولوبن ویردک آکا جان ایله دل
 اختیار ایله سنک یولکه وارمالو دکل
 کوکل ، ای وای کوکل ، وای کوکل ، ای وای کوکل